

TE HEHEMURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 2.

Febuare 1927.

Mat. 21.

*Aore roa hoi e ora ia vetahi ê, aita'tu hoi e i'oa i faa-
itehia mai i te taata i raro a'e i teie nei ra'i, e ora'i tatou
nei. (Ohipa 4:12)*

Te Ora-Mure-Ore

E UTUA te pohe no te hara, area te ora-mure-ore ra, e
mea hora-noa-hia mai ia e te Atua i roto i to tatou
Fatu ia Iesu Mesia. (Roma 6:23)

E mea pinepine noa tatou i taiô i te mau parau no te
ora-mure ore i roto i ta tatou mau buka. E te ora-mure-
ore o te hoê haamaitairaa ia tei titau-puai-hia e te mau
taata'toa. I teie nei râ na tupu i roto ia tatou nei te tahi
mau uiraa faufaa rahi roa ia tatou. Tei ia taua na uiraa ra.
1- Eaha te ora-mure-ore? 2- Nahea ia tatou e roaa te ora-
mure-ore?

I roto i te mau parau a Paulo tei papaihia i nia nei, ua
faaitehia mai ia tatou te mau mea êê i roto i te ora e te
pohe. Ia feruri râ tatou i te auraa mau no taua irava ra,
i reira to tatou iteraa'tu e, aita oia i parau no te pohe e te
ora no te pae tino; no te pae varua râ ta'na i parau, oia
hoi, te ora-mure-ore. Ua hanu ia i te maitai i to te taata iho
vairaa ia tia faahon mai oia mai te pohe mai.

Te mau taata hara râ, e vai noa to tatou mau varua i
tera atu ao, e e vai noa atoa hoi te mau varua ia hade, e
mea hope ore te varua o te taata. No te haapao ore, oia

hoi, te hara, ua faataa ê ai Adamu raua o Eva i te Atua, e no te reira ati rahi ua faatiahia te Evanelia i nia i te ao nei ei faaora no te mau taata atoa. Ua na ô maira te parau e, "Ua pohe oia i reira i te pae varua ra; e te pohe matamua ia, oia hoi te reira pohe, e te pohe hopea hoi ia, o te pae varua, o te parauhia atu ia i te feia rave hara, ia parau atu vau e, A haere ê atu outou te feia faaïnohia." (B. F. S. 28:11)

I te faaotiraa o te paraparauraa hopea a te Mesia i te mau Aposetolo, hou i to'na poheraa, ua pure oia i te Metua e ua faait-hia i roto i taua pureraa ra te auraa mau no te ora-mure-ore. "Teie hoi te ora-mure-ore, ia ite ratou ia oe i te Atua ra, e ia Iesu i te Mesia i ta oe i tona mai." (Ioane 17:3)

Aita roa e ravea ia ite ai tatou i te Atua maori râ na roto i te haapaoraa i te mau faaueraa e te mau ture atoa ta'na i tuu mai ia tatou nei. Mai te mea e, e ite tatou i te Atua e riro ia tatou mai ia'na te huru, e e haapii ia tatou i to'na mau huru atoa ia ite-pâpû-hia e tatou to'na mau haereraa e ta'na mau ravea atoa. Mai te mea e, te na reira nei tatou, te faaineine nei ia tatou ia haere i mua i to'na ra aro. Aita roa e ravea ia ô te pohe i roto i to te Atua vahi parahiraa, e aita roa e ravea ia tae te taata hara e te taata iho i mua i to'na aro, no reira ta Iesu parau, "Teie hoi te ora-mure-ore, ia ite ratou ia oe i te Atua mau ra." (Ioane 17:3)

I teie nei râ, eaha te ravea ia tae tatou i mua i te aro o te Atua ra? Ua mano anei te mau purumu i tae atu ai i reira? Aita roa'tu. Ua faaite-pâpû-hia mai ia tatou te purumu. Ua na ô maira Iesu e, "O vau te eâ e te parau mau, e te ora; aore e taata e tae i te Metua ra maori ra, ei ia'u." (Ioane 14:6)

I roto i teie nei mau mahana hopea, ua parau faahou mai te Mesia ia tatou, e ua haapâpû mai oia i te auraa mau no te ora-mure-ore, e te ravea e roaa'i te reira ia tatou.

“Teie hoi te ora-mure-ore, ia ite i te Atua paari, e te Atua mau ra, e ia Iesu Mesia i ta’na i tono mai. O vau ia. No reira a farii ai outou i ta’u mau ture.” (B. F. 132:24)

Te haamaitairaa rahi roa ta tatou e imi nei, ua horoahia mai ia na roto anaé i te taraehara a Iesu Mesia. A faaroo tatou i ta Iesu mau parau a pure ai oia i te Metua, “Ua horoa mai hoi oe i te mana no’na i te taata’toa nei, Ia horoa’tu oia i te ora-mure-ore i te feia atoa ta oe i horoa mai no’na ra.” (Ioane 17:2)

I muri iho i to Iesu tia-faahou-raa, ua fâ mai oia i te Ati Nephi i te fenua ra i Marite. I taua taime ibora ua tuuhia’i taua haamaitairaa rahi roa ra i mua ia ratou, mai te mea e haapao ratou i ta’ua mau ture. “Oia mau ta’u e parau atu ia outou na, ia haere mai outou ia’u nei ra, e roaa ia ia outou te ora-mure-ore. Inaha ua faatorohia’tu to’u rima aroha ia outou, e o te haere mai nei o ta’u ia e ite mai; e maitai to te haere mai ia’u ra.” (B. M. III Nephi 9:14) Ua parau faahou Iesu ia ratou, “Inaha, o vau te ture e te maramarama; E hió mai ia’u e tamau â e tae noa atu i te hopea, e e roaa ia outou te ora, o te tamau â hoi e tae noa’tu i te hopea ra, o ta’u ia e horoa’tu i te ora-mure-ore.” (III Nephi 15:9)

Te mau parau matamua no te Evanelia mai tei parauhia e Iesu, e te ravea ta’na i faaite mai ia tatou nei ia roaa ia tatou te ora-mure-ore, o teie ia, 1-O te faaroo ia i to tatou Fatu ia Iesu Mesia. 2-O te tatarahapa ia. 3-O te babetizoraa ia, i raro aé i te pape ia matara te hara. 4-O te tuuraa rima ia no te horoaraa’tu i te Varna Maitai.

Ia haapaohia te mau ture i faaitelia mai, a faaitoito â tatou i roto i te eá afaro e haapao i te mau faaueraa e te mau ture atoa ta te Atua i horoa mai ia taton.

Haamanaó noa tatou i te mau parau a Paulo, “Rohi hua oe i te rohiraa maitai ra i te faaroo; e haru i te ora-mure-ore, i parauhia’i hoi oe na, e ua faí i te faíraa parau maitai i mua i te aro o te ite e rave rahi ra.” (I Timo. 6:12)

Papaikia e Alama Buratona

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papaihia e Tamate; Faaahia ei reo Tahiti e Ioane Orotona,

Te faaroo nei matou e, no te taraehara o te Mesia ra e ora'i te taata atoa o tei haapao i te mau ture e te mau faaue-raa a te Evanelia nei.

Uiraa 1. Eaha te hoé haapiiraa e haapii-noa-hia nei i roto i te mau haapaoraa ~~Chirisiteano~~ *Chiristiano* atoa ra?

P. Tera ia, oia hoi te parau no te taraehara.

Parau Tauturu. Ua parau-pinepine-noa-hia teie purau no te taraehara, e ua ite iho â te taata'toa i te auraa. E na roto hoi i teie parau e ite papu ai tatou e, o Iesu mau ia *te* ~~te~~ Mesia i faatoroa-ê-hia na, hou teie ao i hamanihia'i. Te haapii mai nei teie parau e, ua horoa Iesu i to'na ra ora, mai te feruri ore i te maitai no'na iho. Na te reira i faaore i te mau tapeá no te pohe, e i horoa hoi i te ravea e ora'i te taata nei.

Uiraa 2. Eaha te ohipa rahi tei mono i te hara a Adamu?

P. Aita'tu e pahonoraa, maori râ, te taraehara no Iesu Mesia.

Parau Tauturu. Na roto i te hara a Adamu i roaa'i to tatou huru tahuti; no reira, e farerei ai te taata'toa i te pohe. Ua an to Adamu tiavaru-raa-hia i te poheraa varua, e ua farerei hoi te taata'toa i tana poheraa ra. Area râ, no te mea, ua tae mai teie utua rahi i nia i te taata'toa na roto i te ohipa a te hoé taata, e ere ia i te mea tia ia vai â taua utua ra i nia i te taata e a muri noa'tu; maori râ, ia horoa-hia mai te hoé ravea faaora ia'na. No reira, ua faatoroahia Iesu no ta'na ra ohipa faaora, ia vai â te aroha e te hamani maitai o te Atua i nia i te taata nei. Aita râ i faaitohia mai te mau mea'toa no te taraehara o Iesu Mesia. E ia feruri noa'tu tatou i te reira, e manaó iho â ia tatou e, e mea huru

fifi te ohipa moá i ravehia i te matamua ra. Aita râ e ne-
henehe ia tatou ia patoi i te reira na roto i te ite ore. No
te mea, te hoé ia tumu parau no te mau papairaa moá atoa
ra.

Uiraa 3. Eaha na tumu e toru teie ^{ia faariro} nebenehe ^{out} ia Iesu ^{out} ia riro ei Faaora no teie nei ao?

P. Tera ia te tumu matamua, oia hoi, Oia anaé iho te
taaata hara ore i roto i teie nei ao. Oia atoa hoi te Tamaiti
Fanautahi a te Atua ra. Te toru râ, no te mea, ua faatoroa-
ê-hia na oia ei Faaora no to te ao nei.

Parau Tauturu. E maere paha te taata i te mea e, na
roto i to Iesu pûpûraa ia'na iho ei tusia i ore ai te hara
tumu a Adamu, e i faaorehia hoi te mau tapeá no te pohe.
E ere râ te reira te mea maere, no te mea, te vai nei te haa-
piiraa o te taraehara i roto i te mau papairaa moá atoa ^{mai}
te matamua mai â o teie nei ao. Oia mau, ua faape mai te
Atua ia Adamu ^{ia} i te pûpû i te tusia ia'na ra ei taípe, e ei
haamanaóraa hoi i te taraehara rahi i haapaohia na no Iesu
Mesia. Ua vai â hoi tana haapiiraa ra i roto i te utuafare
o Iseraela. Feruri maite tatou; eaha mau te huru no te
mau tusia i pûpûhia ^{ia} to Iseraela? Tera, na pupuhia te
mamoe viivii ore i mau i te aro o te Atua ia faaorehia te
hara a te taata, i to ratou ra anotau. E te vai atura hoi te
tahi atu â mau mea au ei tusia; ua maite ⁱ noa-hia râ te mea
mâ e te viivii ore ei tusia. Oia'toa Iesu, na mâ Oia i te mau
^{lato} hara o teie nei ao, e na tia hoi ia'na ia riro ei tusia ^{ia} pûpû-
hia no te faaoreria i te hara a Adamu.

Ua faaitēhia mai to'na ra mauini na roto i to'na farii-
raa i taua ohipa faaora ra. Te na ô maira taua parau ra e,
"Inaba hoi o Van, i te Atua, ua faaoromai i teie nei mau
mea no ratou atoa ^{ia} ore ratou ia pohe ^{ia} noa ia ratou te
tatarahapa; ia ore râ ratou ia tatarahapa e roohia ratou e te
ati mai ia'u iho, oia hoi te Atua, te han roa i nia roa, te

rurutaina no te mamae, ua tahe te toto i te mau poa atoa, e ua mamae te tino e te varua atoa eiaha hoi au ia oriorio i te inuraa i te aua marama noa'tu râ ia, ia vai te hanahana i te Metua, ua rave ihora vau e ua faaoti i to'u ra mau opuaraa i te tamarai a te taata nei." (B. F. S. 19:16-19)

Uiraa 4. Eaha te mea huru ê i rotopu i to Iesu pohe-
raa e to te taata nei?

P. Ua horoa Iesu i to'na ora, no te mea, te vai ra te mana ia'na ia tapea e aore râ ia horoa. Area to te taata nei râ, e mea ravehia to ratou ora. Ua na o maira ta'na ihora parau e, "I here mai ai tau Metua ia'u, o vau e horoa i to'u ora, e a rave faahou atu ai. Aore roa e taata e riro ai ia haru, na'u iho râ e horoa noa'tu. E tia ia'u ia horoa, e e tia hoi ia'u ia rave faahou. O ta tau Metua ia i faaue mai ia'u." (Ioane 10:17-18)

Parau Tauturu. Ua ite tatou e, ua horoa noa Iesu i to'na râ ora, ia ora e ia maitai hoi te taata. Ua horoa ê na oia i to'na ra ora i roto i te apooraa rahi i te ra'i ra ei tarae-hara. Noa'tu râ i te reira, ua vai noa â to'na tiama, e tia'i ia'na ia horoa e aore râ ia tapea te reira. E mea tahuti ore to'na metua tane, e e mea tahuti to'na ra metua vahine. No reira ua tia ia'na ia pohe, e ua tia atoa ia'na ia ora. Te na ô maira te parau papai e, "Mai te Metua ra, e ora to'na tei roto ia'na iho, ua horoa mai hoi oia i to te Tamaiti, ei ora atoa to'na i roto ia'na iho. E ua horoahia mai hoi te mana ia'na ia haava ra, no te mea e Tamaiti oia na te taata." (Ioane 5:26-27)

I te taima i tuhia'i Iesu i roto i te rima o te enemi e te taata tei pee ia'na i te matamua; a aro puai mai Petero i to'na enemi; ua parau maira Iesu e, "Aita oe i manaó e, e tia noa ia'u ia tau'i tau Metua i teie nei, e na'na e horoa mai i te melahi e ia ahuru noa'tu te legeona e ia piti tiahapa e ia rahi atu â? Eaha ihora râ e tupu ai te parau i papai-

hia ra i reira, o tei parau ra e, ia tupu teie nei mau mea e tia'i." (Ioane 26:53-54)

Uiraa 5. Eaha na tumu e piti i faaoromai noa'i Iesu i to'na ra hamani-ino-raa-hia?

P. Tera ia te tumu matamua, oia hoi, ua hinaaro oia i te haapao i te hinaaro o to'na ra Metua i te faaoraraa i te taata nei. Te piti râ, to'na aroha rahi faito ore i te taata nei, tei haapaohia e Ana i te matamua roa.

Parau Tauturu. Aita roa Iesu i inoino i te mau taata tei taparahi ia'na; ua vai noa râ to'na râ aroha ia ratou e tae noa'tu i te hopea. Taió maite tatou i te mau parau aroha i roto i to'na ra pure a vai ai oia i nia i te satauro. Ua na ô maira taua parau ra e, "E tau Metua, e faaore mai i ta ratou hara, aore hoi ratou i ite i ta ratou e rave nei." (Luka 26:34) Ua aroha atoa mai te Atua i te taata nei, no'na i faatia i ta'na ra Tamaiti fanau tahi ia pohe i roto i teie nei ao, "I aroha mai te Atua i to te ao, e ua tae roa i te horoa mai i ta'na Tamaiti fanau tahi, ia ore ia pohe te faaroo ia'na ra, ia roaa râ te ora mure ore. Aore hoi te Atua i tonono mai i ta'na Tamaiti i te ao nei e faahapa mai i to te ao, ia ora râ to te ao ia'na." (Ioane 3:16-17)

Te na ô faahou maira te parau papai e, "Ua itea to te Atua aroha ia tatou nei, o te Atua i tonono mai i ta'na Tamaiti fanau tahi i te ao nei, ia ora tatou ia'na." (I Ioane 4:9)

Uiraa 6. Eaha te hoé mea tei haapapu i te manaó e, o Iesu ia te Faaora mau?

P. Tera, taua mea ra, oia hoi, te parau papai.

Parau Tauturu Ua haapiihia te ravea faaora i te mau taata mai te matamua mai â o teie nei ao. Ua haapiihia mai e Adamu e Enoha (Buka Poe Taoá Rahi) e tae noa'tu ia Mose (Deuteronomi 18:15, 17-19) e Ioba 19:25-27) e Davida (Salamo 2:1-12) e Zekaria (Zekaria 9:9) e Ioane Baepitizo. (Mataio 3:11)

Ua haapii-pinepine Iesu i ta'na mau pipi e, o Oia iho â ia tei parau-noa-hia i roto i te parau papai. (Luka 24:27)

te Ua faaau Petero ia'na i te arenio ino ore e te mai ore; o tei haapao-atea-hia ia hou tumu o teie nei ao. (I Petero 1:19-20)

Te vai atoa ra te mau parau haapapuraa e rave rahi i roto i te Buka â Moromona tei haapapu ia tatou e, o Iesu ia te Mesia e te Faaora no te taata nei. Teie ia te tahi mau irava i roto i te Buka a Moromona: Etera 3:14; INephi 10:3 11; I Nephi 11:14-35; II Nephi 2:3-21; II Nephi 6: 8-10; 9:5-6.

Uiraa 7. Eaha na mea rahi e piti i oti na roto i te taraehara o te Mesia?

P. Tera, tana na mea e piti ra, oia hoi, ua ma te hara a Adama rana o Eva, e ua faaorehia hoi te mau tapea o te pohe.

Parau Tanturu: Ua tae te taraehara i te huaai atoa no Adamu; te taata faaroo ore, te Edene, te tamarii. Ua faaora-anaé-hia ratou na roto i te taraehara. Te tia-faahou-raa o te tino, te hoé ia rê i roaa ia Iesu Mesia. Ua na ô maira Iesu e. "Tei ia'u te tia-faahou-raa e te ora." (Ioane 11:25) "Ua tia faahou mau râ te Mesia i te poheraa ra, e ua riro ei matamua no te feia i mairi te taoto ra." (Korine-tia I 15:20)

Na te mau parau papai e haapapu ia tatou e, e tae te tia-faahou-raa i te mau taata paatoa. Ua haapii maira Iesu i ta'na aposetolo i te na ô ra mai e, "Eiaha e maere i te reira; te fatata mai nei hoi te hora e faaroo ai te feia atoa i roto i te apoo ra i tana reo, e e haere mai i rapae; e te feia i mau na i te parau maitai ra, e tia mai ia e rave i te ora; e te feia hoi i mau na i te parau ino ra, e tia mai ia e rave i te pohe. (Ioane 5:28-29)

Ua haapii atoa mai Paulo i taua parau ra, a na ô ai ra oia e, "Te tiaturu nei au i te Atua, o ta ratou atoa hoi ia e tiaí nei, e e tia-faahou-raa to feia pohe, te feia parau-tia e te feia parau-tia-ore." (Obipa 24:15) Ua na ô faahou maira oia e, "Mai te taata i hope i te pohe ia Adamu, e hope atoa i te faaorahia i te Mesia." [I Kor. 15:22] No reira, e mea papu ia e, ua tae te maitai o te taraehara i te taata atoa i te faaoreraa i te mau tapea atoa o te poheraa tino nei. E ua horoa-atoa-hia maira te mau ravea ia ore te poheraa varua ia tae mai i nia iho ia tatou. No reira, ia pohe ^{tana} te taata, ua pohe no'na iho, eiaha râ, na roto i te hara a Adamu. Ua parau maira Paulo na ô maira, "E teie nei, mai te taata atoa i taea i te utua faahapa i te hara a te taata hoé ra, ua taea-atoa-hia te taata atoa i te tia ia ora, i te parau-tia a te taata hoé ra." [Roma 5:18] E na ô faahou ra oia e, "Hoé hoi Atua, e hoé arai i ropu i te Atua e te taata, o te taata ra o Iesu Mesia; o tei horoa ia'na iho ei hoo i te taata atoa, ia faaitelia i te tau au ra." [Timoteo 2:5-6]

Ua haapii-atoa-hia maira te Ati Nephi i te mau parau no te taraehara; "Te parau nei au e, oia ia te taata e noaa ia'na te ora, no roto i te taraehara i haapaohia mai te haamatarā mai â o te ao nei na te taata atoa nei, o te vai ra mai te hiāraa o Adamu mai â, e o te vai nei, e te vai a muri atu e tae noa'tu i te hopea o teie ao nei." [Mosia 4:7] E te haapii mai nei te heheuraa o teie mau mahana hopea nei e, "E o te evanelia teie, o te parau oaoa ta te reó no te raí mai i faaite mai ia mana, e ua haere mai oia i te ao nei, oia hoi, o Iesu ia faasataurohia no te ao, e ia hopoi i te mau hara a to te ao, ia haamoáhia te ao nei e ia tamahia te mau parau-tia ore atoa ra; ia ora na roto ia'na o ratou atoa ta te Metua i tuu atu i roto i to'na manaó e o tei hamanihia e ana." [B. F. S. 76:4]

(Tuatihia teie nei parau.)

Te Mau Parau Apî

I te oire ra o Detroit i te fenua Marite, te hamanihia nei te hoé fare rahi roa. Ua hau to'na rahiraa i te mau fare atoa i te ao nei. E vanu ahuru e ma hoé tahua te teitei no taua fare ra, e aore râ e vanu hanere hitu ahuru e ma toru avae te teitei. O Book Tower ia te i'oa no taua fare ra.

E mea maere roa te mau ravea paari te itehia nei i teie nei mau mahana. I to tatou nei anotau ua afaihia te mau pahi reva i nia i te mau pahi tamaí, e i teie nei mau mahana ua hamanihia te tahi huru pupuhi apî ia pupuhi te mau pahi reva i roto i te mataí no roto mai i te pahi tamaí. Ua pupuhihia taua mau pahi reva ra i roto i te mataí e no te puai i to ratou tere e haamata'i ratou i te tere, e ia oti to ratou tere hoí faahou mai ratou i nia iho i te pahi tamaí. E ravea apî roa teie e mai te mea ra e, e manuia maitai te reira ohipa e tuuhia ia teie papuhi pahi reva i nia i te mau pahi tamaí atoa.

Te vai nei i te fenua Tinito te tahi mau pahi Marite ia afai haere i te mau taoá. Te haere noa ra ratou i nia i te mau anavai pape fatata roa i te oire o Shanghi, e ua haruhia te tahi no taua mau pahi ra e te hoé nuu Tinito no te afairaa i ta ratou mau faahanu. Aita ra te hau Marite i faatia i te reira huru ohipa, e ua haponohia'tura te tahi mau pahi tamaí no te Marite i taua vahi ra. I teie nei ua paruruhia teie mau pahi fereti e taua mau pahi tamaí ra. Ua haponono-atoa-hia te tahi mau pahi no te hau Baratane i taua vahi ra, e te paruru nei te hau Baratane i ta ratou mau ohipa i reira. Aita râ teie na hau i haere roa i roto i te ohipa tamaí.

I te 16 no Ditema ua faataa te Hau Marite e piti ahuru e ma pae milioni dara (25,000,000.00) no te faaapîraa i te mau fare tahito e te faatiaraa i te tahi mau fare api no te hau i te oire ra, i Washington D. C. , oia hoi, te oire rahi no te hau.

I roto i te matahiti i mairi aénei ua farii te mau fare puaraa ahu i te moni rahi no ta ratou ohipa. Ua pau i te mau taata Marite e pae hanere milioni dara, (500,000,000) moni Marite, no te puaraa i to ratou ahu, e ua tae teie moni i roto i te rima no te mau taata faatere no taua ohipa ra, no te mea aita roa ratou i horoa i te tarahu i roto i ta ratou ohipa ra. Ua pau atoa e hoé milioni toru hanere hitu ahuru e ma pae tauatini (1,375,000) kilo pua rima i te mau taata Marite i roto i matahiti 1926. Aita i taióhia i roto i teie nei taióraa te pua i haponohia i te mau fenna êê. Te vai noa nei e piti hanere ono ahuru e ma ono (266) fare e tia'i ia hamani i teie pua.

I te avae Mati i mua nei e haamata te pahi "Beretagne" i te tere i te mau fenua Farani no teie pae ao. Na'na e afai i te mau lata e te mau vea i te mau fenua atoa ta'na e haere ai. I to'na tere matamua e haere oia i te mau fenua e paipaihia i muri nei.

1 no Mati e farue oia i Papeete			19 no Mati e farue oia i Papeete		
3	"	"	25	"	"
5	"	"	26	"	"
7	"	"	19	Eperela	tae
9	"	"			San Franc-
					isco
11	"	"	23	"	e farue
12	"	"	13	Me	"
13	"	"	14	"	"
14	"	"	20	"	tae
15	"	"			
17	"	tae			
		Rangiroa			Hiva-Oa
		Takaroa			Nukahiva
		Fakahina			San Franc-
		Hao			isco
		Makemo			"
		Anaa			Nukahiva
		Fakarava			Hiva-Oa
		Apataki			Papeete
		Kaukura			
		Papeete			

Ua haamanihia te hoé pahi reva apî i te fenua Italia. E pahi huru nainai e e pahi tere atoa. Ua riro te rê ia Italia no te tere puai o Mario de Bernardi, oia te taata faatere no taua pahi reva ra, e ua tere oia e piti hanere pae ahuru e ma vaú maile tiahapa i te hora hoê.

Te faa noa nei te peresitini no te hau Purutia i roto i to'na iho fare, no te mea, ahiri oia i haere i rapae au i nia i te purumu e tapeahia'i te mau pereoo atoa ia faatura ia'na, aita râ oia i hianaaro ia haapeapea i te mau taata i roto i ta ratou ohipa; e no to'na roo e to'na rahiraa, aita ia nehe-nehe ia faahuru ê to'na mata e to'na tino mai te huru i te tahi mau taata ia haere tapuni-noa-hia oia i roto i ta ratou, e no reira e vai tîthia nei oia i roto i te fare.

I roto i tahi avaé i mairi aénei i te fenua Farani, ua eiâhia te hoé ofai moni rahi roa o tei parauhia e diamond; e ofai rahi e te maitai hoi, e piti milioni dara to'na faufaa. Ua eiâhia taua ofai ra no roto mai i te hoé fare vairaa taoá tûhito e no te moni atoa hoi. E mea maoro roa te imiraa i taua ofai moni rahi ra e aita i itehia. I te 20 no Ditema i te oire ra o Paris, a rave ai te hoé vahine tuati i te ohipa i roto i te hoé fare tapaeraa, ua ite oia i te hoé apara tei roto i te piha no te hoé taata hoo haere i te taoá. Ua tupu to'na hinaaro no taua apara ra rave ihora oia amu atura. I to'na amuraa râ i te reira na u to'na niho i nia i taua ofai moni rahi ra. Ua ravehia taua ofai moni rahi ra e te hoé taata eiâ e na hunahia i roto i taua apara ra. Aita roa oia i manaó e e amuhia taua apara ra e te vahine tuati. Ua ho-roahia'tura taua ofai ra i roto i te rima no te mutoi farani, e ua haruhia taua taata eiâ ra.

Alma G. Burton Imprimeur,

Rue Brea et de la rue Dumont d'Urville, Orovini, Papeete